

庙祭志

礼曰大夫三庙士一庙庶人祭于寢是庶人不得立庙然朱子谓聚族之人而居之皆得有宗祠以祭其始迁之祖谓之始祖即古者别子为祖之义易之涣日王假有庙涣王居义亦如此吾黄氏自翕庭公徙居南林越数传建公屋于杜公岭以奉祀事于时草创伊始仅及数椽上雨旁风时形倾覆道光五年乙酉毅亭公倡谋族众迁于有汧塘翕庭公故宅之右而祠焉是为有祠之始同治十年辛未经春林樾畦诸公重修之然规模尚未备也至宣统元年己酉群以改建为善推举阅仙童其役遂易祠曰庙嗣是四时有祭轮流承辦而若春分秋分夏祭郎灯彩会虽皆斂钱起立然于改建家庙除巴邑二少公出钱一百串益能公出钱十五串博宣公出钱二十串外实出钱一千数百串有奇其承祭之日限以每季仲月十五奔走襄事而冬祭日人数较多其见为支祠者有三曰三公祠曰渔溪公祠曰仲福公祠而若

文昌阁在渔溪祠之上紫云宫在张公山之左则皆与庙相辉映使人各得肃其观瞻者也至祠庙屋宇坟山来脉及前后左右并不得掘坟烧窑有妨风水此系徙公酌议犯者其责罚另立规条并书之以垂久远

民国五年季春 十五世裔孙自香撰